

黄汤证化热而为麻杏石甘汤证耳。观其恶寒发热无汗身疼,非麻黄汤证而何?观其咳而咽痛,非由寒邪化热,热邪灼津而何?方依证转,病随药除。

桂枝汤证,或以服药故,或以病能自然传变故,可一变而为白虎汤证。同理,麻黄汤证可一变而为麻杏石甘汤证。此可证之以大论曰:“发汗后不可更行桂枝汤,汗出,而喘,无大热者,可与麻黄杏仁甘草石膏汤。”此言本属麻黄汤证,予麻黄汤发汗,孰知药剂太重,竟致肺部转热,虽汗出,而仍喘。浅人无知,见无汗变为有汗,疑麻黄汤证转为桂枝汤证。初不知身无大热,热反聚于肺脏,而肺脏之邪,并非传于肠胃也。经文俱在,可以复按。

余前谓白虎汤为桂枝汤之反面,今当续曰,麻杏甘石汤为麻黄汤之反面。此说当更易明了。何者?二汤中三味相同,所异者,一为桂枝,一为石膏。而后知麻黄汤证为寒实,麻杏甘石汤证为热实。攻实虽同,寒热不一。麻黄汤证有喘,麻杏甘石汤证亦有喘。其喘其同,而其喘之因不一。喘为肺闭,而其受寒则闭,受热则亦闭。闭者当开,故均用麻杏以开之,甘草以和之,而以桂枝、石膏治其原。于是因寒而闭者开,因热而闭者亦开,仲圣制方之旨,于焉大明!

50. 咳痰带血

叶瑞初君 丽华公司化妆部

初诊 二月十七日

咳延四月,时吐涎沫,脉右三部弦,当降其冲气。

茯苓三钱 生甘草一钱 五味子一钱

干姜钱半 细辛一钱 制半夏四钱

光杏仁四钱

二诊 二月十九日

两进苓甘五味姜辛半夏杏仁汤,咳已略平,唯涎沫尚多,咳时痰不易出,宜与原方加桔梗。